

COMUN: Incuntades dla junta y dl consèi de comun cun la popolaziun:
San Martin: lönesc, 11 de ma 2026 dales 20.00 tl salf dl Istitut Ladin
Lungiarü: mercuri, 20 de ma dales 20.00 tl salf manifestaziuns Giovanni Costa

PLOANIES SAN MARTIN Y LUNGIARÜ

Por le iade di Seniors al Achensee, ai 27 de ma, él da se prenoté cina incö, domènia, 10 de ma: 342 32 79 406 - ciarede plü avisa tl'ultima plata.

Anunziesse por la prozesciun di èi y i jogh cun linternes en mercuri, ai 13 de ma, dales 21.00, da Neustift a Porsenú, cina incö, 10 de ma: 348 40 96 351.

Prëibel recordésse da sotescri tla detlaraziun dl davagn la destinaziun dl 8/1000 ala Dlijia Catolica. I pensioná che n'á nia bria da fá la detlaraziun dl davagn pó firmé le model CU y le dé sö por posta te na coperta ch'am ciafa apé de dljia.

SAN MARTIN: Por jí cun crusc da Longega a La Plí la sabeda, 16 de ma, vára da doman da jí cun l'auto cina Longega, da misdé messarán jí derevers por Rina y Antermëia, deache la strada statale é sarada dales 8.00 da doman inant.

Bel dilan dles ofertes en recordanza dla defunta Emma Costabiei da: Hermann Costabiei y Pëiapësc San Martin, fam. Alberto y Lena Gentile, fam. Leo y Monica Crepez y fam. Nane Pescoller.

En lönesc, 11 de ma, vëgnel indô sié la cortina. Chi che á dlaurela é bel peria da gní a daidé (348 40 96 351). Da bur tēmp le dedolönesc.

LUNGIARÜ: Al vëgn bel perie do le contribut por la cöra por l'ann 2026: Vigni ciasa/familia á ciafé na plata cun informaziuns sön le contribut dla cöra y le bilanz dla cöra. I periun düc da daidé fá frunt ales gran spëises por le scialdé y i sorvisc incër dljia! Le contribut pó gní dé jö incö, ai 10 de ma, cun l'oferta pro mëssa o do mëssa te calonia o ince tres la Cassa IBAN: IT 63 K 08010 58830 000304004931.

Al vëgn chirí voluntars por families de Puster y dla Val Badia: L'aiüt por families jones da mituns da 0 a 3 agn pó ester: jí a cumpré ite, daidé fá laurs te ciasa, ciaré di mituns n valgönes ores, sostigní i geniturs tl'organisaziun da vigni de y i.i...
KFS: 0471 974778 - www.familienverband.it - info@familienverband.it

50 agn Scora de Musiga Val Badia: düc chi che á ligrèza cun le cianté y le soné é dër bel inviá ala festa de iubileum por i 50 agn de ativité dla Scora de Musiga Val Badia en sabeda, ai 16 de ma, dales 16.00, tla Ciasa dla Cultura a La Ila.

La Musiga inviëia düc al conzert "Südtirol - nosta patria" en sabeda, ai 16 de ma, dales 20.00, tl gran salf a San Martin sot ala direziun de Katrin Zingerle.

Le Parch Natural Fanes-Senes-Braies inviëia al De Internazional di Museums en domènia, ai 17 de ma, cun chësc program - ti museums de Tor y San Ciascian
Dales 14.00 ales 18.00 - Laboratori creatifs cun le personal dl Parch Natural
Dales 15.00 - presentaziun dl liber "Le sföi salvare" y ativités por mituns
Dales 17.00 - vijites menades. Azes gratis te trami i museums dales 10.00 - 18.00

Daurida dla mostra tl Istitut Ladin a San Martin ai 15 de ma, dales 18.00:
Retrac sura Cortina d'Ampëz 1956-2026 "Il terreno dei giochi".



Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net
curat don Marco Veghini - pfarrei.ploania@protonmail.com
redaziun: anton.gasser@rolmail.net - 348 27 44 517 / 0474 523194

10.05.26 - 17.05.26 n. 24

termo por comunicaziuns: jöbia, dales 20.00

6ª DOMÈNIA DE PASCA - A

Vangele do san Jan 14,15-21

Te chël tēmp à Gejù dit a sü discepui:

Sc'i m'orëis bun, se tignarëise a mi comandamënc, y iö periarà le Pere, y ël ves darà n'ater paraclèt, che dess restè pro os por dagnora.

Al é le Spirit dla verité, che le monn ne po nia ciafé, deache ël ne le vëiga nia y ne le conësc nia.

Os indere le conescëis, ciodich'al sta pro os y sarà te os.

I ne ves lasciarà nia indô sciöche òrfanns, mo i vëgni indô da os.

Ma ciamò püch tēmp, y le monn ne me vëiga nia plü; mo os m'odëis, deach'i viri y incé os viarëis.

En chël dé conesciarëise:

Iö sun te mi Pere, os sëis te mè, y iö sun te os.

Chël che tol sö mi comandamënc

y se tēgn a d'ëi, chël m'ò bun;

a chël che m'ò bun, ti vëgnel orü bun da mi Pere,


y incé iö ti orarà bun y a chël me darai da conëscë.

Te chëstes parores de comié de Gejù da sü discepui pro l'ultima cëna, sint Gejù ch'ai ará tröp da patí por le comié y l'assënza de so amich y maester.

Al nes vëgn imënt le dit "I te mantignará dagnora te mi cör"

Porchël i consolëiel y ti impormët na sort de presënza, ch'ai ne se sintes nia susc. Le Paraclèt (por grech: "le cherdé adalerch") che Gejù ti dá ai discepui á le compit da i sostigní, da ester so interzessur, da i assistí.

Le Paraclèt é le Spirit de Gejù che la comunité cristiana adora y che ince iö adori. Al nes lascia sintí te manires tres indô nöies che Chël Bel Dî s'un tol sura de nos y de nüsc debojëgns, deach'al nes ó bun. T.D.

EDEMA - A	SAN MARTIN	LUNGIARÜ		
10.05.26 6ª DOMÈNIA DE PASCA-A <i>De dla Uma</i>	9.30 Corona por vocaziuns (<i>prou da Oies</i>) 10.00 Gran Mëssa por la comunité por dotes les umes siur Merch Graffonara y siur Angel Morlang + + Giovanni y Teresa Flöss 19.30 Corona de ma sò Ju	7.50 Corona de ma (<i>pater da Oies</i>) 8.15 Gran Mëssa por la comunité por la Uniun dles Ères + + de Iachin dl ann + Iaco Mischi	<p><i>Umes é porsones a chères ch'al ti vègn scinché y che scinca, te na mosòra cotan maiú co n smaz de ciüfs pó le mostré. Umes scinca vita y ciafa vita scincada, scinca amur y ciafa amur, scinca ligrèza y ciafa ligrèza. Y deache les umes scinca dër gonot deplü co ch'ares ne ciafa, festejunse le De dla Uma, nia tan sciöche n dé de dilan, mo sciöche recort: che vigni de é n De dla Uma: n de da ponsé do y da dí dilan.</i></p> <p style="text-align: right;"><i>Manfred Förster</i></p>  <p><i>Sciöche na uma ti ó bun a sò möt sciöch'al é, y plü crüzi ch'al ti fej y plü bun ch'ara ti ó, ciodi ch'ara sá ch'al adora so amur, insciö é l'amur de Gejú por nos.</i></p> <p style="text-align: right;"><i>Dietrich Bonhoeffer</i></p>	
11.05.26 <i>Walter, Iachin</i> Lönesc	19.30 Corona de ma a Picolin			
12.05.26 Dedolönesc <i>Pancraz, Imelda</i>	8.00 Mëssa benefaturs y jënt dla Ciasa de Palsa + Mariangel Tavella 19.30 Corona de ma it'a Bioch	19.30 Corona de ma tla capela de S. Ojöp da Oies		
13.05.26 Dedemesaledema <i>S. Maria da Fatima, Servaz</i>	20.00 Corona de ma sò Frëina/Mirí	7.30 Mëssa + Sepl Clara, Sanvì por les püres animes dedô Corona de ma		
14.05.26 Jöbia <i>Bonifaz, Maria Dominica</i>	18.20 Cun Crusc a Bioch (<i>don Marco</i>) 19.30 Mëssa a Bioch (cun Lungiarü)	18.45 Cun Crusc a Bioch 19.30 Mëssa a Bioch (<i>don Marco</i>)		
15.05.26 Vëndres <i>Sofia, Sonia</i>	9.00 Mëssa cun chi da Lungiarü (<i>siur Klaus</i>) 19.00 Cun Crusc a Picolin 19.30 Mëssa (<i>siur Klaus</i>) en onú de Sant Antone	7.30 Cun Crusc a San Martin 9.00 Mëssa a San Martin (<i>siur Klaus</i>) 19.30 Corona de ma fora dala Grota		
16.05.26 Sabeda <i>Jan Nepomuch, Ubald</i>	7.30 Cun Crusc da Longega a La Pli 9.00 Mëssa a La Pli (<i>siur Klaus y don Marco</i>) 18.30 Mëssa prefestia (<i>don Marco</i>) en onur de Sant Ojöp da Oies + Giovanni Unterweger + siur Heinrich Videsott de ringraziamënt	7.30 Cun Crusc da Longega a La Pli cun chi da S. Martin 9.00 Mëssa a La Pli (<i>siur Klaus y don Marco</i>)		
17.05.26 Festa dl'Assënza - A Ascensiu dl Signur	9.30 Corona (<i>don Marco</i>) 10.00 Gran Mëssa por la comunité por families d'Anví 3ª de sopoltöra + Emma Costabiei + Alfred Ploner + Anna Frenes Castlunger 19.30 Corona de ma sò Ju	7.50 Corona de ma (<i>don Marco</i>) 8.15 Gran Mëssa por la comunité de reng. fam. Ricá Moling aniv. + Bino Clara, Brocia + Albert Daverda		
Suor Monica Graffonara dl convënt Monache Passioniste da Loreto inviëia da vijité le sit internet www.passionisteloreto.it I podun ince les aldí sòn le canal <i>You Tube Monastero Passioniste Loreto</i> da doman dales 6.15 y da sèra dales 18.15. Ai 16 de ma vègnel trasmetù tl Radio Maria dales 7.30 - 8.40 la corona, les laudes y la mëssa dla festa de santa Gemma Galgani.				